



**Ka Moporesidente
Henry B. Eyring**
Mogakolodi wa Ntlha mo
Boporesidenteng jwa Ntlha

Lentswe laMorena

Dithuto le Dikgolagano di laletsa batho botlhe gongwe le gongwe go reetsa lentswe la Morena Jeso Keresete (bona D&D 1:2, 4, 11, 34; 25:16). Di tletse ka melaetsa ya Gagwe, ditlhagiso, le thotloetso ya dikgakololo tse di neetsweng ka tshenolo go baporofiti ba ba tlhophilweng. Mo di tshenolong tse re ka bona ka fa Modimo a arabang di thapelo tsa rona tsa tumelo ka melaetsa ya kaelo, kagiso, le tlhagiso.

Mo dithapelong tsa rona re batla go itse gore Modimo o batla re dirang eng, le gore re tshwanetse go dirang go bona kagiso le boitumelo mo botshelong jo le bo bo latelang, le gore go na le eng kwa pele ga rona. Dithuto le Dikgolagano di tletse ka dikarabo go dipotso tseo di boditsweng ke batho fela le ka thapelo ya boikokobetso ya baporofiti. Di ka nna kaedi e ntle go re ruta gore re ka amogela dikarabo go dipotso ka boitekodiso jwa rona le pholoso ya bosakhutleng.

Boikokobetso le tumelo mo Moreneng Jeso Keresete ke selotlele. Oliver Cowdery o amogela karabo go tswa go Morena mabapi le keletso ya gagwe ya go thusa mo go ranoleng ga Buka ya ga Momone: “Gakologelwa gore fa o sena tumelo o ka se dire sepe; ka jalo kopa ka tumelo. Se tlontlolole dilo tse; se kope seo o sa se tlhokeng” (D&C 8:10).

Gangwe le gape mo Dithutong le Dikgolaganong, Morena o batla tumelo le boikokobetso pele ga A neela thuso ya gagwe. Lebaka lengwe la se ke gore dikarabo tsa Gagwe di kanna tsa tla ka tsela e re sa

e solofelang. Kante ka metha di ka nna motlhofo go amogelesega.

Ditso tsa Kereke le maitemogelo a baswi ba rona di supa boammaaruri jo. Ntatemogolwa-go-lwane wame Henry Eyring o ne a rapelela ka tlhagafalo go itse gore o ka dira eng fa a ne a utlwa efangele e buseleditswe e rutiwa ka 1855. Karabo ene ya tla mo torong.

O ne a lora a ntse fa fatshe kwa tafoleng le Mogolwane Erastus Snow wa Khoramo ya Baaposetole ba ba Lesome le bobedi le mogolwane yo o bidiwang William Brown. Mogolwane Snow o ne a ruta melawana ya efangele mo o e ka nnang oura. Jalo Mogolwane Snow o ne a re, “Mo leineng la ga Jeso Kereste Ke go laela go kolobediwa mme monna yo [Mogolwane Brown] . . . o tlaa go kolobetsa.”¹ Lelwapa la me le lebogela gore Henry Eyring o ne a na le tumelo le boikokobetso go kolobediwa ka 7:30 mo maphakeleng mo letangwaneng la metsi a pula mo St. Louis, Missouri, USA, ke Mogolwane Brown.

Karabo ya thapelo ya gagwe ga ya ka ya tla ka lentswe le le utlwalang go tswa go Morena. E tlile ka pono le ka toro mo bosigong, jaaka go diragaletse Lihae (bona 1 Nifae 8:2).

Morena o re rutile gape gore dikarabo di ka tla jaaka maikutlo. Mo Dithutong le Dikgolaganong, O rutile Oliver Cowdery, “Bona, Ke tla a go bolelela mo tlhaloganyong ya gago le mo pelong ya gago, ka Mowa o o Boitshepo, o o tla a tlang mo go wena le go nna mo pelong ya gago.” (D&D 8:2).

Mme o ne a rotloetsa Oliver ka tsela e: “A ga Ke a

bua kagiso mo thaloganyong ya gago mabapi le selo se? O ka nna le bosupi bofe jo bogolo go feta jo bo tswang kwa Modimong?” (D&D 6:23).

Dithuto le Dikgolagano, Ditso tsa Kereke, le ditso tse di tshegeditsweng ke Henry Eyring mo thomong ya gagwe ya efangele morago ga kolobetso ya gagwe e nthutle gore dikarabo di ka utlwiwa jaaka ditlhagiso fela jaaka kagiso.

Ka Moranang 1857, Mogolwane Parley P. Pratt wa Khoramo ya Baaposetole ba ba Lesome le Bobedi a tseneletse khonforense ko jaanong e leng Oklahoma, USA. Henry Eyring o ne a gatisa gore “thaloganyo ya ga Mogolwane Pratt ene e tletse ka maikutlo a gore selo se se bosula se tloga se diragala . . . , a sa kgone go lemoga isago kgotsa tsela nngwe ya go falola.”² Henry o ne a gatisa dikgang tse di botlhoko ka ponyo ya leitlho morago ga moo tsa polao ya Moaposetole. Mogolwane Pratt o ne a tsamaya go ya pele mo loetong la gagwe kgalhanong le maikutlo a kotsi, fela jaaka Moporofiti Joseph a dirile mo go yeng kwa Carthage.

Ke bopaki jwa me gore Morena ka metlha o araba thapelo ya boikokobetso ya tumelo. Dithuto le Dikgolagano le maitemogelo a rona a re ruta go lemoga dikarabo tseo le go di amogela ka tumelo, gongwe e le tsa kaelo, tlhomamiso ya boammaaruri, kgotsa tlhagiso. Ke rapela gore ka metlha re reetse le go lemoga lentswe la lorato la Morena.

DINTLHA

1. “The Journal of Henry Eyring: 1835–1902” (mokwalo o o sa anamisiwang mo tlhokomeleng ya mokwadi).
2. “The Journal of Henry Eyring: 1835–1902.”

GO RUTA GO TSWA MOLAETSENG O

1. Akanyetsa go bala mmogo ditselana ka thapelo mo molaetseng o. Jaaka o bala, kopa maloko a lelwapa go reetsa ka kelotlhoko ka fa Modimo a arabang dithapelo ka teng. Akanyetsa go fa bopaki ka botlhokwa jwa thapelo.

2. Dithuto le Dikgolagano di tletse ka dikarabo mo dipotsong tse di boditsweng ke batho mo thapelong. Fa ele gore dikarabo tsa dipotso tsa bone (ditshenolo) di ne di sa kwalwa? Rotloetsa lelwapa go ithuta go lemoga le go sala morago thotloetso ya Mowa. Ba ka batla go gatisa dikakanyo tsa bone mabapi le thapelo mo dijenaleng tsa bone.

BONANA

Reetsa Ditlhotlheletso

Ka María Isabel Molina

Bosigo bongwe ntsalake yo monnye o ne a tshaba mo gae, jalo Ke ne ka itlhaganelela go ya go mmatla. Fa Ke ne ke kgweetsa, Ka rapela gore Moya o nthuse. Ke ne ke itse gore Modimo o tlaa nkaraba le go nkaela, mme Ka leka go reetsa ditlhotlheletso tsa Moya. Mme fa Ke ne ke sa utlwe sepe, Ke ne ka simolola go utlwa ke tlhobaela mme ka ikutlwa gore Moya ga o ntlhotlheletse.

Le ntswa Ke ne ke batlile go tsamaya ke ya pele go batla, Ke ne ka ikutlwa gore Ke nne mo lefelong go dikologa legae la ntsalake. Jalo ka swetsa gore ke kgweeletse go dikologa lefelong leo gape. Jaaka Ke ne ka ema kwa makgabaganyong, Ke ne ka bona mo riti wa mosetsa yo monnye a tsamaya. Ke ne ka bona ntsalake!

Fa Ke tswela kwantle ga kolo le go mo tabogela, ka lemoga gore Moya o ne o sale o ntse o nkaela ka go nthusa go utlwa gore Ke nne mo lefelong leo. Ka ntlha ya gore Ke ne ke ntse ke reeditse lentswe le le iketlileng, Ke batlile ke itlhokomolosa ditlhotlheletso tsa Moya. Ke ne ka thaloganya jaanong gore ka dinako tse dintsi gare ne re utlwa lentswe, mme re tlaa utlwa ditlhotlheletsego mo dipelong tsa rona.

Ke ne ka lebogela kaelo ya Mowa. Ka boammaaruri O nna ale teng! Jaaka dikwalo tse di boitshepo di bua, “Moya o o Boitshepo o tlaa nna mopati wa gago ka metlha yotlhe” (D&D 121:46).

Fa re itekanetse semoweng ka kaelo ya Moya ebile re le podi matseba, re ka nna didirisiwa mo diatleng tsa Modimo go dira molemo go batho ba bantsi. Le mopati wa metlha yotlhe wa Moya, re tlaa itse tsela e re tshwanetseng go e tsamaya.

BANA

Thapelo ke Loeto la maitemogelo

Moporesidente Eyring o ruta gore dithapelo di kanna tsa arabiwa ka ditsela tse dintsi. O ka nna le loeto la maitemogelo fa o senka mo

dikwalong tse di boitshepo go bona dingwe tsa ditsela tseo.

Lebelela mo nngwe le nngweng ya dikwalo tse di boitshepo tse di fa tlase. Mo jenaleng ya gago, kwala mafoko a le mmalwa go tlhalosa seo dikwalo tse di boitshepo di se buang ka dikarabo tsa thapelo.

O ka kwala gape mo jenaleng ya gago ka maitemogelo a gago a dithapelo tse di arabilweng.

Johane 14:26

Dithuto le Dikgologano 6:22–23.

Dithuto le Dikgologano 8:2.

Dithuto le Dikgologano 9:8.

Diane 8:10–11



Tumelo, Lelwapa, Thuso

Tiro ya Kanamiso efangele

Bala sedirisiwa se ka thapelo mme, fa go tlhokega, buisanya le bakaulengwe bao o ba etelang. Dirisa dipotso go thusa gore o nonotshe, bakaulengwe mme o dire Mokgatlo wa Thuso gore e nne ntlha nngwe ya botshelo jwa gago e e tlhaga.

Baitshepi ba Malatsi-Bofelo ba romelwa go ya pele “go bereka mo tshimong ya mofine ya [Morena] go pholosa mewa ya batho” (D&D 138:56), e e akaretsang tiro ya kanamiso efangele. Ga re tlhoke pitso ya kanamiso ya efangele go abelana efangele. Ba bangwe ba ba tshelang ba tlaa segofadiwa ke efangele e e re dikaganyeditseng, mme jaaka re ipaakanya, Morena o tlaa re dirisa. Baruti ba Ketelo ba ka tlamparela maikarabelo a bone a semowa me ba thuse “go tlisa go diragatsa bosa-sweg le botshelo jo bo sa khutleng jwa motho” (Moshe 1:39).

Fa Moporofiti Joseph Smith a rulaganya Mokgatlo wa Thuso ka 1842, o ne a re basadi bane ba sa tlhokomele bahumanegi fela mme gape bane ba pholosa batho.¹ Se e ntse ke maikaelelo a rona.

“Morena . . . o file bopaki jwa boammaaruri go bao ba tlaa bo abelanang le ba bangwe,” ga bua Moporesidente Dieter F. Uchtdorf, Mogakolodi wa Bobedi mo Boporesidente jwa Ntlha. “Mo godimo ga moo, Morena o solofetse gore maloko a Kereke ya Gagwe ba bule [melomo ya bone] ka dinako tsotlhe, ba bege efangele ya [Gagwe] ka modumo wa go ipela

(D&D 28:16). . . Nako tse dingwe ntlha nngwe ya bopaki e ka dira tsamayo ya ditiragalo tse di ka amang botshelo jwa motho ka bosakhutleng.”²

Gotsweng Dikwalong tse di Boitshepo

Dithuto le Dikgolagano 1:20–23; 18:15; 123:12

Gotsweng mo Ditsong tsa Rona

Polelo ya ga Olga Kovářová wa Czechoslovakia wa pele ke sekai sa tiro ya kanamiso ya efangele ya leloko go tswa mo ditsong tsa Mokgatlo wa Thuso. Ka dingwaga tsabo 1970, Olga ene e le moithuti wa bongaka e bile a ngoreletse botshelo jwa kwa boteng jwa semowa. O ne a lemoga Otakar Vojkůvka wa dingwaga tse 75, wa Moitshepi wa Malatsi a Bofelo. “O ne a bonala mo go nna a le dingwaga tse di masome a supa le botlhano mme mo pelong ya gagwe a le gaufi le lesome le boroba-bobedi e bile a tletse boipelo,” o ne a bolela. “Se sene se sa tlwaelesega mo Czechoslovakia ka nako eo e batho ba neneng ba dumela mo maitshwarong a a seng bopelontle.”

Olga a botsa Otakar le lelwapa

lwa gagwe ka fa ba boneng boipelo ka teng. Ba mo itsise maloko a mangwe a Kereke mme ba mo neela Buka ya ga Momone. O ne a e bala a sena bopelotelele mme ka bofefo a kolobediwa le go tlhomamisiwa. E sale nako eo Olga o ne a nna yo o tlhotlheletsang bomolemo mo lefatsheng la kgatelelo ya sepolotiki le kgeriso ya sedumedi. O dirile ele moporesidente wa Mokgatlo wa Thuso mo lekalang le lennye le go thusa go pholosa mewa ya ba bangwe ka go ba tlisa go Keresete.³

DINTLHA

1. Bona *Teachings of Presidents of the Church: Joseph Smith* (2007), 453.
2. Dieter F. Uchtdorf, “Waiting on the Road to Damascus,” *Liahona*, Moranang 2011, 76–77.
3. Bona *Daughters in My Kingdom: The History and Work of Relief Society* (2011), 92–95.

Ke ka dirang?

1. A ke sala morago ditlhotlheletso ya Moya o o Boitshepo fa Ke abelana bopaki jwame le bakaulengwe ba Ke ba etelang?
2. Ke ka thusa jang bakaulengwe ba Ke ba tlhokometseng go ithuta efangele?

Go bona molaetsa yo montsi, ya ko www.reliefsociety.lds.org